

# H V N G A R I A .

**H**VNGARIA (quæ nomen ab Hunnis vel Hungaris populis ex Scythia profectis, qui eam incolunt habere constat) Pannonias, & ultra Danubium Iazygum, & Dacorum Regionem ferè omnem occupat. A Drauo ad Meridiem sumit initium; à Septentrione, Sarmatis quos Polonos, & Getis quos Walachos dicimus, terminatur; ab Occasu, Austriam habet, superioris quondam Pannoniæ caput; ab Oriente, Mysiam, quam Rhetianam nunc appellant. Danubius omnium quos Europa habet, fluuio- rum maximus mediam interfluit, atque in partes, nempe in Citeriorem & Vltio- rem scindit. Citerior est ea, vbi olim Pannoniæ fuerunt: hæc ab Vltiore Hungaria Danubio, & Austria, & Norico, radicibus Cæcij (sic olim dicti) montis: à Slauonia Drauo; à Bosna & Rascia Sauro fluminibus terminatur. Huius Citerioris Hungariæ caput est Buda, Regni sedes. Nobiliora in ea oppida, Alba Regalis, coronatione & se- pultura Regum insignis, Strigonium metropolitana, Quinqueecclesiensis, Episcopalis sedes, præterea Sopronium, laurinum, & Sabaria, Diui Martini, & Stridon Diui Hie- ronymi patria. Flumina multa in eo nobilia. Lacus habet duos nobilissimos, Balaton & Fertou. Huic Citeriori Hungariæ, vbi Drauum transieris, annexa Slauonia est, pars olim Pannoniæ superioris, inter Sauum & Drauum posita: sed Sauum etiam longè transgressa, & vsque ad flumen Hunam (hoc enim illi nunc est nomen) pro- tensa, vbi Croatia incipit. Post quam Dalmatia sequitur, per oram Adriatici maris, quæ partim Veneto, partim Turcæ parit; minima eius particula est Regi Hungariæ subiecta: loca mediterranea Boznenses tenent, & Rasciani, qui olim Moesi superiores fuerunt. Slauoniæ caput Zagrabia est: Croatiae nunc Bigihon est, antea Fumium erat. Ultra Danubiana Hungaria montibus Carpathiis supra Posonium incipientib., & longissimo flexu ad littus Euxini maris porrectis, à Morauia, Slesia, Polonia, & à Russia distinguitur, vsque ad eum locum, vbi Regio est, quam Maromarusiam voca- mus. Ibi iam alij montes & syluæ ab eo loco Seuerinum versus tendentes, à Trans- sylvania & Valachia Transalpina separant: Hanc vltiorem Hungariam Tibiscus flu- uius piscosissimus, in montibus Maromarusiis ortus, mediam interfluit. Hæc Hun- garia habet Oppida nobiliora, ad Septentrionem Posonium, Tirnauiam, &c. ad Meri- diem verò Colociam, Bachiam, Zegedinum, &c. vltra Tibiscum, Varadinum, Debre- cinum, &c. cum fodinis auri & argenti: Seuerinum, vbi pontis olim à Traiano Imp. exstructi vestigia etiam nunc apparent, & alia quæ breuitas historica nunc prolixius vetat enumerare. Incolæ Scythica lingua vtuntur, ab omnibus finitimis diuersa: Nulli Regioni terrarum, hominum robore, pecorum fecunditate, vbertate soli, me- tallorum copia cedens. Cæli benignitate, & pulchritudine situs, omnibus Orbis Re- gionibus suo iure possit anteferri. Tellus rerum omnium copia à natura donata; vbi aurum, argentum, sal, lapillos, colores effodere licet. Frumenti, pabuli, leguminis, & po- morum abundantia præstat. Neque deest amnicorum copia piscium, & cupri con- fectura; in plerisque fluminibus auri optima ramenta inueniuntur: quin & in vitibus in aurifero solo satis aurum quandoque legunt. Hæc ex Ste- phani Broderith opusculo; & Ant. Bonfinij rerum Hungarica- rum Decadibus collegimus; quos ipsos studiosus Lector consulere potest. Videat etiam Mathiam à Michou de Sarmatiis; & Munsterum. Scripsit & Ge- orgius Wernherus de admirandis Hun- gariæ aquis opusculum.



# HUNGARIAE DESCRIPTIO, WOLFGANGO LAZIO AVCT.



Hungaricae uoces  
quomodo legendae sint.

C.H. litteræ in uocibus  
Hungaricis C.Z. S. littera pro  
S.C.H.Z. littera pro  
S. simplici, in uocibus  
Hungaricis W. litte-  
ram in fine pro  
V.V.





OUTGANGO LAZIO AVOT. 15

M. HENRIE PARS. M. D. C. L. X. V. I. I.

